

清・陳鼎編著

東林列傳
(下)

新文豐出版公司印行

清・陳鼎編著

東林列傳（下）

新文豐出版公司印行

中華民國六十四年十一月初版

東林列傳全二冊

版權

編著者清修

陳鼎

發行人劉橋

定價
精裝新台幣六〇〇元正
平裝新台幣四〇〇元正

所有



發行者
新文豐出版股份有限公司

及發行所
新文豐出版有限公司

台北市雙園街九十六號
臺北郵政第三六四三號信箱
登記證：局版臺業字第〇六四九號
郵政劃撥：一〇〇四四二號

東林列傳卷十三

江陰陳鼎定九輯一門人

沈霽載陽

全較

蔡世英偉人

明

鄒元標趙南星列傳

鄒元標字爾瞻江西吉水人萬曆五年進士觀政刑部首輔張居正父喪奪情抗疏指斥入朝門適翰林

吳中行趙用賢以諍居正杖於廷血肉狼籍亟歎曰
奇男子也出袖中疏上之略曰居正才雖有爲學術
則偏志雖不小忌刻過甚進賢不廣自用太濫言路
未通民隱未達用深刻之吏阻豪傑之才以居正而
在京守制綱常以斂人心以壞安寧其弼成帝學輔
翼聖志哉居正且大言曰不顧旁人之謗議不恤匹
夫之小節將以三年之喪爲小節乎臺省諸臣不言
已爲曠職又有御史曾士楚出疏保留省臣陳之謨
效之朝廷爲首善之地臺省爲公論所出持論至此

可勝歎哉疏入杖八十謫貴州都勦衛徒跣就道數
濱死抵戍所進勗士講學從者日衆巡按御史至衛
閱兵必軍裝持戟雜伍中御史亟遣人謝對曰此君
命也何謝爲十年居正死薦起爲吏科給事中元標
疏陳五事一寡慾以正君心而聖德培一召對以決
壅蔽而泰交成一肅憲紀以糾羣吏而貪墨去一崇
儒術以端士習而風聲樹一選撫臣以廣休養而百
執事賢慷慨論列凡數千言帝嘉納之朝士多急利
祿廉耻寢微元標疏糾南戶部尙書張士佩驟進禮

部尙書徐學謨難退尋並罷去而所推薦耿定向羅汝芳許孚遠等十餘人皆名儒夙望舉朝爲之色動十二年春慈寧宮灾元標痛言修省有保聖躬開言路節財用拔幽滯寬罪宗放宮女六事忤旨朝士故揚言上怒欲杖殺鄒給事元標令妻檢囊所服布袍白蠟藥云予筋骨雖病然精神尙可杖五六十若緹騎來卽徑去第毋令老母知之會大學士申時行數請曲貸謫南刑部照磨僉都御史石星告之曰公聞上語否上方御膳忽命撤減曰若不聞鄒某數朕耶

其見憚若此明年五月調北吏部駁封主事請改南
以便養母不許已而吏部尙書楊巍應詔陳言元標
又爲代草謂後宮多嬖寵近侍用事者十人號十俊
卽宣德朝之八黨也請割衽席之愛嚴便嬖之禁省
內庭供億之煩減每歲贖錢十七萬之數勅御史汰
馬快船諸弊皆人所不敢言者十八年陞本司員外
郎遽引疾歸逾年檄赴官途中所見聞吏治民瘼臚
列幾萬言如家人父子相告語又言明主不以言瑣
而忘采納蓋臣不以身遠而忘諫規陛下初臨御時

年才十齡朝講日親山谷傳中國聖人今聖齡方壯
逮違前志臣竊痛之千金之子一日不出里閈臧獲
有跳梁之患百里之吏一日不坐堂皇吏胥有舞文
之憂今萬國萬姓係陛下爲安危一日不朝則堂陛
情隔忠良謀阻國事有不可知矣願陛下味孔氏一
簣之訓鑒孟子九仞之譏取魏徵十漸之疏留神詳
覽臣不勝大幸又聞太子天下之本重太子所以重
宗社也今皇太子睿齡日增不知宮中保護有幾覃
吉輩竊謂宜出而與諸儒臣相親也易稱主器莫若

長子故受之以震願早冊立以慰天下望是時元標忠鯁藉甚在廷內外推轂者數十人帝終以切諫快不樂用而元標念母將八十又請改南遂左遷南刑部主事亦忻然迎養及考滿赴部引疾復遷郎中值母憂歸遂堅臥不起居南臯之野談道著書學者稱南臯先生林居垂三十年由是學益進光宗卽位召起刑部未幾熹宗立陞大理寺卿進刑部右侍郎在道聞遼東不守歎曰三十年來惟爭門戶不問封疆禍見於今日矣請簡用岳元聲汪應蛟吳達可諸

人而先定畿省勤王約寬山東畿輔遼餉以固根本
既至又陳拔茅闡幽振武保泰數事而歸本於簡儉
和厚大約收拾人才調養元氣爲國家計財用爲小
民陳疾苦帝皆可其奏元標既以清直立朝與趙南
星高攀龍並稱類漢所稱三君子者天下咸屬目焉
晚年風力遜始仕時科臣汪慶伯少之元標曰大臣
老臣與言官自各有體安用呶呶作少年故態哉然
於國家大利害則抗直如故李成梁子如禎驕恣楊
鎬喪師得罪旣僉議如法忽降中旨從寬元標諱如

橫當死鎬罪不當赦并斥諸內臣干憲紀帝爲改容
卒仍初議是時天下賦重遼餉尤急元標曰不可以
一遼失天下心請蠲遼餉而以鹽課鼓鑄稅契義助
諸策爲之補救東事未寧而黔苗復亂議者爭言用
兵元標曰患不專在苗興師動衆非良計也具陳其
情狀惟在處置得人節制有法正當以不治治之因
盛述前撫臣郭子章安苗功蓋元標在黔時嘗讀子
章書觀其壁壘間當日與安酋歃血盟處拊髀悲之
故所論多切中又上書政府言其事天啓元年冬遷

左都御史條議計典在核實毋縱毋苛廣寧之告潰也會議經撫罪多異辭元標曰王化貞棄廣寧宵遁宜服上刑熊廷弼比楊鎬多一逃比袁應泰欠一死均難逭罪時服其正論京察諸賢有以門戶受鋗者請追卹其既死而亟錄其遺賢或以衰遲難之元標痛惜老成曰今凡案置一古器坐客改容於用人何獨不然薦高攀龍劉宗周等甚力光熹之間三案無信史禮部尙書孫慎行疏責首輔方從哲甚峻元標急避其言疏曰乾坤所以不毀者賴有綱常綱常所

以植立者恃有信史國史不書野史必載請取定光
宗實錄表明公論亂臣賊子之胆可破也又請矜容
愚直言天變時危宜亟下求言之詔作敢言之氣今
陛下卽位未二年數逐言官不急爲賜環則士氣不
振將來政柄不知落何手矣其持議不阿類如此當
是時客魏已陰用事憚元標方嚴猶逡巡不敢肆而
元標所引用正類皆非僉人意尙書孫慎行王紀皆
坐忤旨罷斥元標力救不聽亾何遂以講學被謗矣
元標之拜御史馮從吾爲之副二人同志創首善書

院講學於京師給事朱童蒙攻之以爲招搖門戶蓋奸黨嗾改正人意不在講學也元標奏曰臣自少至老浮沉南北數十載獨有此學患難死生未嘗墮志昔隆慶間徐階當國集諸計臣千餘人討論識仁定性二書未嘗以此少階相業今乃爲末俗所諱人生百年自帖括青紫外一無所聞雖位極人臣虛生浪死耳旣不許京師講會願罷臣歸田以究所志陛下經筵日講爲諸臣先毋以臣等阻千百世共學之心馮從吾亦屢疏乞與元標同罷閣臣葉向高爲之疏

辨議留給事郭允厚郭興治遂痛詆元標以二氏之
學元標六疏乞罷乃加太子太保馳傳歸猶上書言
邊徼事薦朱燮等可用匡攘後吏部尙書趙南星猶
會推起用不果召未幾卒元標爲人剛直無苟容通
籍五十年晚登九列而前後在朝不滿數載中間晦
養陶泳臨器含弘當居正之死羣喙交攻獨無一言
訾及人以爲難歿後以瑞禍削籍崇禎元年李邦華
請卹贈太子太保吏部尙書謚忠介廕一子平生與
海瑞善歿而同謚有存真願學太平山房諸集初爲

吏部時迎母之官過彭澤舟夫不集厲聲讓縣尉既而悔之曰此亦吾父母國也奈何以尉忘敬心卒好言謝過不遑云

趙南星字夢白直隸高邑人九歲稱神童二十一舉於鄉二十五成進士蓋萬曆二年也授汝寧府推官擢戶部主事張居正當國病京師競爲禱祀南星與顧憲成姜士昌獨不往改吏部考功尙書楊巍欲糾御史丁此呂南星洩之於編修趙用賢給事中王士性巍嫌之引疾歸再起文選上剖露良心疏所抨擊